


www.BibleForChildren.org




John 14



“Ekaawii mukushkaateyihtamukw. Taapweyimaahkw
Chishemanituu kaye niya taapweyimikw. Anite
Nuuhtaawii wiichihch mista mihchen e pischisaakwaau.
Nika ituhten nete chechii ayeskuushtwaatikuch anit che
ihtaayekw. Namui chipaa uhchi ititinaawaau
uu ekaa uhchi
taapwemakahch.”




“Chiishihtaayaane maak anit che ihtaayekw, ekw che pechi nituwaapamitakuch ekw che chistuhtahiitakuch wesh chinituweyimitinaawaau chechii ihtaayekw anit e ihtaayaan.”



Eukw niya chiichishaanawaau John. Misiwe
chiwiichishaanihtunaanuu Jesus e ihtaata ishi.
Chinanehkaateyimuhiikuyihkw an uhchi e

nuushuushkuuhkw Jesus mikw
maak maamuu chiwii



siipiiwesinaanuu taanit
anit nechishkamuhkw
maan e aayimihch
chekwaan.




Nichii maakunikuun ekw anite an ministikw Patmos
kaa ishinihkaatech kaa tayikuyaana an uhchi e chii
waawiihtamaan Chishemanituu utayimuwin


kaye e chii tipaachimak
Jesus taan kaa aihtit.




Tiiwehch maak Kaa payehchisiit Ahchaahkw nichii
pechi pihchishkaakw ekw kaa waapahtamaan anite
kihchikiishikuhch chisheuchimaau tehtapuwin. Chii
apuu maak awen anit.




Ekw kaa pehtuukwaau misiwe awenich anite
kihchikiishikuhch kaye misiwe awenich kaye
awesiishach aschiikhch kaye anite
nipiihch kaye misiwe e
ispichiskamikaayich aschiikhch kaa
ihtaatwaau e nikamutwaau,
uyuu e itwetwaau, . . .




. . . “An awen kaa apit anit chisheuchimaau
tehtapuwinihch kaye an Maanishchaanish kaachiche
chika shaweyimaakanuuch kaye
chika chishtaachimaakanuuch
kaye chika
chisteyihtaakuhaakanuuch kaye
chika suuhkaatisiyuuch
kaachiche kaye
kaachiche.”




Nichii waapahten maak an kaa payehchisiimakahch
ih̄taawin kihchikiishikuhch e uhchi asiimakahch.
Chishemanituu e ih̄taat chii uhchipayuu. Eukw uu kaa
uskaach Jerusalem. Muyaam uschiskwewaan e chii
miyunaakuhiisut che unaapemit ekun kaa ishinaakuhch.




Ekw kaa pehtawak awen anite chisheuchimaau
tehtapuwiniiyuu e ihtakuniyich e uhchi ayimit. Chii
chisheweu. Mwaau kaa itwet, “lin aweyuuh e ihtaayihch
ekut che ihtaataa ekw Chishemanituu. Kata wiichimeu.
Eukunh aniyuuh iinuuh che utiiniimit. Wiya kata ihtaau
mekwesiinuu
e ihtaayich
aniyuuh
wechisheman-
ituumitutaakut.”




Ekw uu enchil kaa pechi waapahtiit siipiiyuu. An maak
nippih anit an siipiih ekut wehchi miyakanuut awen
kaachiche pimaatisiiwiniyuu. Naashch chii
waasheyaakamishuu an nipii mwehch asiniish
waasenihtaakanaapiskw e ishpish shaapwaau
waaseyaapischisit ekun kaa itaakamihch an nipii.



Shiipaa Chishemanituu ekw maak an Maanishchaanish
uchisheuchimaau tehtapuwinawaahch ekute kaa
uhtaachuuhch uu siipii.



Namui nituweyihtaakusuu piisim maak tipischipiisim
chechii uhchi waashtuwech an ihtaawin. Wesh e ishpush
chiihkaayaashtuweyich ati e ihtaat Chishemanituu ekut
wehchi chiihkaayaashtech an ihtaawin. Kaye an
Maanishchaanish e ihtaat ekut wehchi
chiihkaayaashtech.



Namui chika uhchi pachishtinikanuu chekwaan e
maayaatahch chechii ihtakuhch anit an ihtaawin. Namui
kaye chika chii piihcheu an awen
nitawiin kaa ihtit maak kaa
wiich nanatayit. Mikw
anichii kaa
masinaateyikwaau
utishinihkaasuwinawaau
anite aniyuuh
Maanishchaanish
upimaatisiyuu
masinahiikaniihch chika
chii piihcheuch
aniyuu ihtaawiniyuu.



“Chika kaasiichaapahweu maak tahtwaau e
uhchikuwaapiyich. Namui ekw kata uhchi ihtakuniyuu
nipuwiniyuu maak misimeyihtamuwiniyuu.
Namui kaye ekw kata uhchi
ihtakuniyuu maatuuwiniyuu maak e
wiisacheyihtaakanuyich. Wesh misiwe
an weskach kaa ispayihch
chekwaan namui shaash ihtakun.”




Namui maak ekw miin nihtaa chika uhchi ihtakun anit
ihtaawinihch chekwaan chechii itwet Chishemanituu e
uhkaateyihtahk. Chishemanituu kaye an
Maanishchaanish uchisheuchimaau tehtapuwinawaau
chika ihtakuniyuu anit
ihtaawinihch.




Chika nuuchiishtaakuu maak Chishemanituu
utaapachihaakanh. Wechiiahch chika waapahtamiyuuh
utaashtamuhkw. Utishinihkaasuwin chika
masinaateyuu uskahtikuwiihch.




Nichii waapamaauch maak misiwe anichii awenichii kaa nipuwaakupanenich. Misiwe kaa chisteyihtaakusitwaau kaye anichii ekaa kaa chisteyihtaakusitwaau nichii waapamaauch. Chii uhchishkuukaapushtamuch aniyuu chisheuchimaau tehtapuwiniiyuu. Chii ihtakun maak masinahiikanh e aapahiikanuuhkwaauh. Miin maak kutach masinahiikan chii aapahiikanuu. Uu maak masinahiikan ekut mesinaasutwaau anichii awenichii che ayaatwaau kaachiche pimaatisiiwiniyuu.



Anichii maak kaa nipitwaau chii wiyaaskunaakanuuch
mikw taan kaa ihtiwaakupanenich. Misiwe taan kaa
ihtitwaau chii masinaateyuu anit aniyuuh masinahiikanh.
An maak awen ekaa kaa masinaateyich
utishinihkaasuwin anite masinahiikanihch anit
mesinaasuyich aniyuuh aweyuuh che
ayaayich kaachiche pimaatisiwiniyuu
machishkuteusaakahiikanihch
chii
ishuwepinaakanuu.



Kaa payehchisiit Ahchaahkw ekw maak an
uschiskwewaan iteuch, “Aashtam.” Kaye an awen kaa
pehtahk ekush kaye wiya chika iteu, “Aashtam.” Misiwe
chiyawaau kaa nuuhteyaapaakweyekw, “Aashtamukw
sehchei pechi minihkwekw an nipii ati wehchi ayaat



awen
pimaatisiiwiniyuu.”



Wesh
Chishemanituu
e ishpish chii
saachihaat misiwe aweyuu utah
aschiiahch chii miweu kaa peyakushiyich
Ukusisa, misiwe aweyuuh kaa
taapweyimaayich ekaa chechii
nishuunaatisiyich maak chechii
ayaayich kaachiche
pimaatisiwiniiyuu.



Romans 3:23 Misiwe awen chii machituutam. Ekw maak wehchi misiwe awen nuuhtaashkamuwaat Chishemanituuh uchisteyihtaakusuwiniiyuu.

Romans 6:23 Wesh nipuwinihch ituhtahiikuu awen machihtwaawiniiyuu. Ekw an awen kaa wiichewaataat Jesus Christ Chitipeyihchikeminuuh Chishemanituuh sehchei miikuu kaachiche pimaatisiiwiniiyuu.

Hebrews 9:27 Nitaweyihtaakun misiwe awen peyakwaau chechii nipit ekw maak che wiyaaskunaakanuut.

Ephesians 2:8,9 Chishemanituu sehchei chichii shaweyimikunuu kaa pimaachihiitahkw an e taapwehtamukw uhchi. Namayeu wii chiyaanuu uhchi kaa uhchipayihch chechii pimaachihuyihkw. Chishemanituu uyuu umiiwewin.



Namui awen katachii maamihchimuu chechii itwet wiya e chii pimaachihiisut aniyuu e chii mamiyuutuutahkw uhchi.

Romans 10:9,10 Itweyine Christ eukw Utipeyihchikeu kaye maak chitehiihch taapwehtamane taapwe e chii wanishkaanikut Chishemanituuh nipuwinihch uhchi chika pimaachihun.

Wesh utehiich taapwehtam awen Christ e chii nipyich kaye e chii wanishkaanikuyich Chishemanituuh nipuwinihch uhchi. Eukw maak uu awen uyuu ishi taapwehtahke ukuiskutaatisiiu che ishi kanawaapamikut Chishemanituuh. Mushe e wihtahk awen Christ e utipeyihchikewiyich ekut wehchi pimaachihiikut Chishemanituuh.



John 3:16,17 Wesh Chishemanituu e ishpish chii
saachihaat misiwe aveyuu utah aschiihch chii miweu kaa
peyakushiyich Ukusisa, misiwe aveyuuh kaa
taapweyimaayich ekaa chechii nishuunaatisiyich maak
chechii ayaayich kaachiche pimaatisiwiniyuu.

Wesh Chishemanituu chii pechi itishahweu Ukusisa utah
aschiihch chechii pimaachihaayich aveyuuh namui wii
chechii pechi nishuuwanaachimaayich.



1 John 5:11-13 Mwaauyuu maak e itaachimaat
Chishemanituu Ukusisa, Chishemanituu chichii miikunuu
kaachiche pimaatisiwiniyuu, an maak kaachiche
pimaatisiwin anite Ukusisa e ihtaayich uhchipayuu.

An awen kaa ayaawaat Ukusiisimaau ayaau
pimaatisiwiniyuu. Ekw an awen ekaa kaa ayaawaat
Chishemanituu Ukusiyuu namui ayaau pimaatisiwiniyuu.

Chimasinahaamaatinaawaau chiyawaau kaa
taapweyimekw Chishemanituu Ukusisa chechii
chischeyihtamekw e ayaayekw kaachiche pimaatisiwin.



John 14; 2 Corinthians 5; Revelation 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Southern East Cree - Roman script New Testament (crj) ©
Wycliffe Bible Translators, Inc. and Canadian Bible Society,
2001.

<https://live.bible.is/bible/CRJBSC/MAT/1>

©2026 Bible for Children, Inc.

www.M1914.org

www.bibleforchildren.org

